

## **BOSANSKI RAT POCEO POLJUPCIMA**

**Author:** [Emir Suljagic](#)

Kao član bosanskog predsjedništva, Biljana Plavsic je na samom početku rata pozdravila zapovjednika paravojnih jedinica iz Srbije koje su zauzele Bijeljino

Bosanski novinar Sead Omeragic potvrdio je da se 1992. odigrao više nego srdacan susret između bivše srpske predsjednice Biljane Plavsic i zloglasnog srpskog ratnog zapovjednika Zeljka Raznatovica "Arkana". Desilo se to nakon što su Arkanove snage zauzele Bijeljino.

O onome što je kao tadašnji izjavitelj tjednika Slobodna Bosna tom prilikom video, Omeragic je 16. listopada/oktobra 2003. svjedočio na sudjenju bivšem srpskom predsjedniku Slobodanu Milosevicu.

On je sudu ispricao kako se priključio izaslanstvu bosanskog kolektivnog predsjedništva, koju su činili Biljana Plavsic i Fikret Abdic (kao srpski, odnosno muslimanski predstavnik) i koja je u Bijeljino krenula 6. travnja/aprila 1992., nakon što su taj grad zauzeli Arkanovi "Tigrovi". Plavsic će kasnije postati predsjednica bosanskih Srba (1996.-1998.), da bi protiv nje bila podignuta i optuznica Haskog tribunala, na temelju koje je ove godine osuđena na 11 godina zatvora.

U spomenutom izaslanstvu nalazila su se i dvojica generala Jugoslavenske narodne armije (JNA) - Dobrasin Prascevic (zamjenik zapovjednika JNA u Bosni) i Sava Jankovic (zapovjednik Tuzlanskog korpusa JNA).

Nakon što je kolona stigla u Bijeljino, izaslanstvo se uputilo u najbližu vojarnu JNA, gdje su zatekli više stotina Muslimana, koji su se tamo sakrili od pripadnika srpskih paravojnih jedinica nakon što su potonji preuzeli kontrolu nad gradom.

A kada se izaslanstvo susrelo s Arkanom ispred općinskih prostorija u Bijeljini, Biljana Plavsic ga je poljubila u obraz. "Nazvala ga je svojim 'djetetom'", izjavio je Omeragic.

Plavsic je tvrdila da je Arkan spasio bijeljinske Srbe od zločina koji su pripremali Muslimani. U stvari, čak 38 od ukupno 41 osobe - koliko ih je prethodnog dana poginulo u pucnjava - nisu bili Srbi.

General Prascevic je Arkanu uputio vojni pozdrav, nakon čega su se njih dvojica i rukovali. "Generali JNA su od Arkana tražili prepustanje kontrole nad gradom, ali je on odbacio njihov zahtjev", izjavio je svjedok.

Omeragic tvrdi da se - u vrijeme dok je Arkan razgovarao s Biljanom Plavsic, Abdicom i generalima JNA - nalazio u hodniku ispred kancelarije. Dvojica vojnika koji su na sebi imali sivomaslinastu uniformu pokušali su ga uhapsiti, dok mu je jedan od Arkanovih ljudi - koji su pak bili odjeveni u crno - prislonio pištolj na sljepoočnicu. A onda je Arkan izasao iz sobe za sastanke: bio je dovoljan samo jedan njegov pokret rukom da bi vojnici pustili svjedoka.

Tokom unakrsnog ispitivanja, Milosevic je insistirao na činjenici da ponesto od onoga što je Omeragic iznio u svojoj pisanoj izjavi nije bilo receno i u članku koji je u Slobodnoj Bosni izisao istog tjedna kada su pripadnici srpskih paravojnih jedinica zauzeli Bijeljino. Omeragic je na to odgovorio da mnogo toga nije moglo ući u taj članak, jednostavno zbog toga što mu je kao autoru na raspolaganju stajao ograničen prostor.

On je sudu ispricao i kako se nakon tog putovanja vratio u glavni grad, gdje je shvatio da je u medjuvremenu izbio rat. "Vratio sam se u Sarajevo, koje je vec bilo granatirano. Ljudi su ginuli. Upravo je pocinjalo tragicno razdoblje koje ce potrajati tri i pol godine."

Emir Suljagic je izvjestitelj IWPR-a iz Haga.

**Location:** Bosnia and  
Herzegovina

---

**Source URL:** <https://iwpr.net/sr/global-voices/bosanski-rat-poceo-poljupcima>